

# Lefoko La Modimo Le Tlile Go Moporofeti William Marrion Branham

## **“Tsaya Pene Ya Gago O Kwale”**

*Bosigo bongwe jaaka ke ne ka batla Morena, Moya o o Boitshepo o mpoletse gore ke tseye pene ya me ke kwale. Jaaka ke huparetse pene go kwala, Moya Wa Gagwe o nneile molaetsa wa phuthego. Ke batla go otlisa mo go lona. O amana le Lefoko le monyalwa.*

Ke se se ke se le kang go le bolella sona. Molao wa loato ke gore peo nngwe le nngwe e tlhagisa sa mofuta wa yona, fela jaaka kafa go Genese 1:11, “Mme Modimo o rile, A lefatshe le tlhoge bojang, le merogo e e nang le peo, le dithhare tse ungwang maungo ka mefuta wa tsona, eo peo ya sona e leng mo sona, mo lefatsheng: mme ga nna jalo.” Botshelo bongwe le bongwe bo bo neng bo le mo peong bo ithhagisitse mo sejalong mme go tloga koo go tsena mo leungong. Ona molao o neela mo phuthegong gompieno. Peo nngwe le nngwe e e simolotseng phuthego e tlaa ithhagisa mme e tshwane le peo ya tshimologo gone ke peo e e tshwanang. Mo malatsing ana a bofelo Monyalwa Phuthego wa boammaruri (peo ya ga Keresete) e tlaa tla kwa go Letlapathogo, mme o tlaa nna phuthego e e godileng, sechaba se se godileng, jaaka a Mo atamela. Ba ba leng go monyalwa ba tlaa tshwana le Ene thata gore ba tle ba nne fela mo setshwantshong se eleng Sa Gagwe. Se se mo thulaganyong ya go ikgolaganya le Ene. Ba tlaa nna mongwe. Ba tlaa nna yona ponatshego ya Lefoko la Modimo o o phelang. Diphuthego tsa batho ga di kake tsa tlhagisa se (peo e e sa siamang). Di tlaa tlhagisa ditumelo tsa bona le tsamaiso ya ditumelo tsa bona, di tswakantswe le Lefoko. Motswako o o tlisa tsalo ya dipeo tse di farologaneng.

Morwa wa ntlha (Adama) e ne e le peo-Lefoko le le buileng la Modimo. O ne a neilwe monyalwa go ikatisa ka bogaagwe. Ke ka

moo a neilweng monyalwa, go ikatisa ka bogaagwe; go tsala morwa o mongwe wa Modimo. Mme o wele. O wele ka loato la go tswakana la dipeo tse di farologaneng. Ke ena a dirileng gore a swe.

Morwa wa bodedi (Jesu), le ene Peo-Lefoko le le builweng la Modimo o neilwe monyalwa go tshwana jaaka Adama a ne a nntse. Mme pele A gore a mo nyale, le ene o ne a wele. Ene, jaaka mogatsa Adama, o ne a tthatlhabiwa gore kana o tlike go dumela Lefoko la Modimo mme a phele, kgotsa a belaele Lefoko mme a swe. O belaeitse. O tlogetse Lefoko. O sule.

Go tswa go setlhophanyana sa peo ya boammaruri ya Lefoko, Modimo o tlaa abela Keresete monyalwa yo o rategang. Ke lekgarebe la Lefoko La Gagwe. Ke lekgarebe gonne a sa itse epe ya ditumelo tse dirilweng ke motho le tsamaiso ya tsa ditumelo. Fa le ka ditokololo tsa monyalwa go tlaa diragatswa tsotlhe tse di solofeditsweng ke Modimo go bonagadiwa mo go lekgarebe.

Lefoko la tsholofetso le tlike go lekgarebe Maria. Mme Lefoko leo la tsholofetso e ne ele Ene, ka Bogaagwe, go bonagadiwa. Modimo o ne a bonagadiwa. Ene, ka Bogaagwe, o dirile ka nako eo mme a diragatsa Lefoko le e leng La Gagwe la tsholofetso mo go lekgarebe. E ne e le moengele yo o neng a mo tliseditse molaetsa. Mme molaetsa wa moengele e ne e le Lefoko la Modimo. Isaiah 9:6. O diragaditse ka nako eo tsotlhe tse di neng di kwadile ka Ene gonne ene o amogetse Lefoko La Gagwe mo go ene.

Ditokololo tsa lekgarebe monyalwa di tlaa Mo rata, mme ba tlaa nna le tseo e leng tsa Gagwe, gonne Ke tlhogo ya bona, mme nonofo yotlhe ke Ya Gagwe. Ba laolwa ke Ene jaaka ditokololo tsa mebele ya rona di laolwa ke ditlhogo tsa rona.

Lemoga kutlwano ya Rre le Morwa. Jesu ga ise a dire sepe pele go fitlhela a se Bontshiwe ke Rre. Johane 5:19. Kutlwano e jaanong e tlaa nna mo gare ga Monyadi le monyalwa Wa Gagwe. O montsha Lefoko La Gagwe la bophelo. O a le amogela. Ga a kitla a le belaela. Ka gona, ga go sepe se se ka mo utlwisang botlhoko, le seng loso. Gonne ge peo e setse e jetswe, metsi a tlaa e medisa gape. Sephiri sa se ke se. Lefoko le mo go monyalwa (jaaka le ne le le go Maria.) Monyalwa o na le mogopolo wa ga Keresete gonne o itse gore O

batla go dirwa eng ka Lefoko. O diragatsa taolo ya Lefoko mo leineng La Gagwe gonne a na le "se se builweng ke Morena." Ke gona Lefoko le tsosoloswa ke Moya mme le a diragala. Jaaka peo e e jetsweng mme e noseditswe, e fitlha kotulong e e tletseng, e dira boikaelelo ba yona.

Bale ba ba leng mo go monyalwa ba dira thato Ya Gagwe fela. Ga go ope o a ka ba dirang gore ba dire ka mokgwa mongwe. Ba na le "se se builweng ke Morena" kgotsa ba a didimala. Ba itse gore e tshwanetse go nna Modimo mo go bona yo o dirang ditiro, a diragatsa Lefoko le e leng La Gagwe. Ga A wetsa tiro Ya Gagwe yotlhe ge a santse a le mo bodireding Ba Gagwe ba lefatshe ka jalo jaanong O dira mo go le ka monyalwa. O itse seo, gonne e ne e ise e nne nako mo go ene go dira dilo tse di rileng tse A tshwanetseng jaanong go di dira. Mme O tlaa diragatsa jaanong ka monyalwa tiro ele E a e tlogeletseng nako ena e e kailweng.

Jaanong a re emeng jaaka Joshua le Caleb. Naga ya rona ya tsholofetso e tla mo ponalong jaaka ya bona e dirile. Jaanong Joshua o kaya "Jehovah-Mmoloki," mme o emela moetapele wa nako-ya-bofelo yo o tlaa tlang mo phuthegong fela jaaka Paulo a tlile jaaka moetapele wa tshimologo. Caleb o emela bao ba ba ntseng ka boammaruri le Joshua. Gakalogelwa, Modimo o simolotse Israele jaaka lekgarebe ka Lefoko La Gagwe. Mme ba ne ba batlile sengwe se se farologaneng. Ka jalo go dirile phuthego ya letsatsi la bofelo. Lemoga kafa Modimo a sa kang a tlosa Israele, kgotsa a mo tlogela go tsena mo lefatsheng la tsholofetso go be go fitlhe nako Ya Gagwe e e tlhomilweng. Jaanong ka gongwe batho ba ka ne ba gateletse Joshua, moetapele, mme ba re, "Naga ke ya rona, a re ye go e tsaya. Joshua, o setse o feletswe, o tshwanetse wa bo o latlhegetswe ke taelo ya gago, ga o tlhole o na le nonofo yo o neng o na nayo. O ne a utlwa go tswa go Modimo mme o itse thato ya Modimo, mme o dira ka bonako. Sengwe se phoso mo go wena." Mme Joshua e ne e le moporofeti yo o romilweng ke Modimo, mme o ne a itse ditsholofetso tsa Modimo, ka jalo a ba leta. A letela tshwetso e e siameng go tswa go Modimo mme ge nako e tlile go tsamaya, Modimo a tlhoma boetapele bo bo tletseng mo diatleng tsa ga Joshua gonne o ne a

nna le Lefoko. Modimo O ne a ikanya Joshua mme eseng ba bangwe. Ka jalo se tlaa boellediwa mo letsatsing lena la bofelo. Bothata bo bo tshwanang, dikgatello tse di tshwanang.

Tsaya sekao se re se bonang mo go Moshe. Moporofeti ona wa senatla yo o tloeditsweng wa Modimo o ne a belegwa ka mokgwa o sele, a belegwa ka nako e e tshwanetseng ka kgololo ya losika la ga Abrahama go tswa Egepeto. Ga A ise a nne mo Egepeto go ganetsanya le bona ka Lokwalo, le eseng go kgobera baperesita. O ile kwa gareganaga go fitlha batho ba ipaakanyetsa go mo amogela. Modimo o ne a bileditse Moshe kwa gareganaga. Go leta go ne go se mo karolong ya Moshe mme ka ntlha ya batho ba ba neng ba ise ba ipaakanye go mo amogela. Moshe o ne a gopotse gore batho ba tlaa utlwisisa mme ga ba dira jalo.

Ke gona Elia ke yoo o mo go ene Lefoko la Morena le tlieng. Ge a sena go rera boamaruri mme setlhophapha sele kwa morago kwale se e leng moeteledipele wa setlhophapha sa Jezebel wa Amerika ga a ka a amogela Lefoko, Modimo o mmiditse go tloga mo tshimong mme o beditse losika leo ka go itatola moporofeti le molaetsa o o neetsweng ke Modimo. Modimo o mmileditse kwa gareganaga mme ga a ka a tswela kwa ntle le ga e le go kgosi. Ba ba lekileng go mo tlhotlheletsa go dira jalo, ba sule. Mme Modimo o buile le moporofeti Wa Gagwe yo o boikanyo ka ponalo. Mo a neng a iphitlhile teng o tswile mme a busetsa Lefoko go Israele.

Ke gona go tlieng Johane Mokolobetsi, moeteledi-pele wa ga Keresete wa boikanyo, moporofeti wa senatla wa letsatsi la gagwe. Ga a ka a ya kwa sekolong sa ga rraagwe, le ga e le kwa sekolong sa Bafarasi — ga a ka a ya kwa phuthegong ya leina, mme kwa ntle kwa sekgweng a biditswe koo ke Modimo. Koo a nna go fitlha Morena a mo romela ka molaetsa, a goa, "Messiah o gaufi."

Jaamong a re tseyeng kgalemelo ya Lekwalo fano. A e ne e se mo malatsing a ga Moshe yo Modimo a mo tlhomamisitseng gore Korah a eme mme a ganetsa moporofeti yole wa senatla? O ngangisane le Moshe mme o ipoletse gore o amogetse go le gontsi go tswa go Modimo go eta batho pele mme gore ba bangwe ba ne ba na le seabe mo tshenolong ya Bomodimo jaaka ekete o dirile jaaka Moshe

le ene. O latotse nonofo ya Moshe. Jaanong batho bale kwa morago kwa, morago ge ba utlwile boammaruri ba lefoko mme ba itsitse le boammaruri ba gore moporofeti wa boammaruri o tthomamisitswe ke Modimo, ka re batho bao ba tsiediwa ke Korah le dikganetso tsa gagwe. Korah e ne e se moporofeti o mo Lokwalong mme batho ka dipalo tse dikgolo le baetapele ba bona ba mo latela. Kafa go tshwanang le baefangedi ba gompieno ka maano a bona a namane ya gouta go tswana le Korah. Ba lebega ba le molemo go batho jaaka Korah a ne a lebega a le molemo ka gona. Ba ne le madi mo diphatleng tsa bona, lookwane mo diatleng tsa bona le dikgolokwe tsa molelo mo platforomong. Ba letlelela bareri ba basadi, ba tlogela basadi go poma moriri wa bona, ba apara diseleke le marukhu a makhutswane, mme ba nyatsa Lefoko la Modimo kantlha ya ditumelo tsa bona le tsamaiso ya tsona. Se se bontsha gore ke peo ya mofuta mang e e mo go bona. Mme ga se batho botlhe ba ba tlhanogetseng Moshe mme ba tlogela Lefoko la Modimo. Nyaya. Batlhaolwi ba nntse le ene. Se se tshwanang le se se diragala gape gompieno. Ba bantsi ba tlogela Lefoko mme ba bangwe ba sala le lona. Mme gakologelwa setshwantsho sa korong le mofoka. Mefoka e tshwanetse go kgobokanyetswa go tshubiwa. Diphuthego tse tsa batenegi ba tumelo di a bofiwa kgotlagano le kgotlagano gammogo, go ipaakanyetsa mello ya katlholo ya Modimo. Mme korong e tlile go phuthegela go Mong.

Jaanong ke batla le eletlhoko thata mme le bone se. Modimo o solofeditse seo ka nako ya bofelo Malaki 4 o tlile go diragadiwa. Go tshwanetse gonne le Lefoko la Modimo le le tsosolositsweng ke Moya le le builweng ke moporofeti Malaki. Jesu o buile kaga lona. Ke fela pele ga gore Keresete a tle la bobedi. Ka nako e Jesu a tlang Lokwalo lotlhe le tshwanetse le bo le diragetse. Go ntshiwa ga Badichaba go tlaa be go le mo motlheng wa bofelo wa phuthego ya ona ge morongwa ole wa Malaki a tla. O tlaa be a na le tshiamelo le Lefoko. O tlaa tsaya Beibele yotlhe go tswa go Genesi go ya go Tshenolo. O tlaa simolola mo peong ya sekamotho mme a tswelle pele go ya go morongwa mo puleng ya morago. Mme o tlaa galalwa ke diphuthego tsa maina.

O tshwanetse gonne seo ke dingwao di ipoeletsa ka bo tsona go tswa mo nakong ya Ahabe. Dingwao tsa Israele kafa tlase ga Ahabe di a diragala gona fano mo Amerika kwa moporofeti wa Malaki a bonalang teng. Jaaka Israele a tlogetse Egepeto go obama ka kgololosego, ba kgarameleditse beng ba naga kwa ntle, ba emisa sechaba ka baetapele ba bagolo ba ba tshwanang le Dafide le ba bangwe, jalo le jalo, mme ke gone go baya Ahabe mo setulong sa bogosi le Jesebele fa morago ga gagwe go laola, ka jalo re dirile se se tshwanang le seo mo Amerika. Borremogolo ba rona ba tlile mo nageng e go obama le go phela ka kgololosego. Ba kgarameleditse beng ba naga kwa morago mme ba laola naga. Banna ba dinatla go tshwana le Washington le Lincoln ba ne ba tsetswe mme fa moragonyana banna ba ditlhaloganyo tse di bokoa ba setse morago bana ba tshwanetseng gore ka bonako Ahabe o ne a tlhomiwa mo setulong sa bopresidente le Jesebele fa morago ga gagwe go mo laola. Ke ka nako e e tshwanang jaaka e gore morongwa wa Malaki a tshwanela ke go tla. Ke gona mo puleng ya morago go tlaa tlang pontshomaikaelelo a Thaba ya Karemele. Disa se ka kelotlhoko jaanong go se bona mo Lefokong. Johane e ne e le moeteledipele wa Malaki 3. O jetse pula ya pele mme a itatolwa ke mekgatlo ya letsatsi la gagwe. Jesu o tlile mme o ne a na le pontshomaikaelelo mo Thabeng ya Phetogo. Moeteledipele wa ga Keresete wa bobedi o tlaa jala ka pula ya morago. Jesu o tlaa nna pontshoboikaelelo mo gare ga diphuthego tsa batho le ditumelo, gonne O tlaa tla go femela Lefoko La Gagwe le go tsenya monyalwa Wa Gagwe mo tsubilong. Pontshomaikaelelo ya ntlha e ne e le Thaba ya Karmele: ya bobedi e ne e le Thaba Phetolelo, mme ya boraro e tlaa nna Thaba ya Sione.

Maitseo a a gakgamatsang a Moshe, Elia le Johane ka go ikgogela morago mo bathong ka go itswalela e tlogetse ba bantsi ba tlhakatlhakane. Ba ne ba sa lemoge gore ke ka gonne melaetsa ya bona e ne ya nyatsiwa. Mme peo e ne e jadiuwe, go lema go fedile. Katlholo e ne e latela. Ba ne ba dirile maikaelelo a bona jaaka sesupo mo go batho, ka jalo go ne go latela katlholo.

Ke a dumela ka gona go Tshenolo 13:16 gore monyalwa o tlaa tshwanela go emisa go rera gonne sebatana se lopa letshwao mo

seatleng kgotsa mo phatleng ge tetelelo ya go rera e neelwa. Ba diphuthago tsa maina ba tlaa tsaya letshwao, kgotsa ba gapeletswe go tlogela go go rera. Ke gona Kwana e tlaa tlelang monyalwa Wa Gagwe mme e athole seaka se segolo.

Jaanong gakologelwa gore Moshe o ne a tsaletswe tiro e e rileng, mme o ne a seka a kgona go dira tiro eo go fitlhela a amogetse dineo tse di neng di tlaa mo nonotsha go dira tiro. O ne a tshwanela ke go ya kwa sekakeng mme a lete koo; Modimo o ne a beile nako. Go ne go tshwanetse go nna Faro yo mongwe mo setulong sa bogosi, mme batho ba ne ba tshwanetse go llela senkgwe sa botshelo, pele a gore Modimo a mo romele morago. Se ke boammaruri ba letsatsi la rona.

Mme re ba le eng mo letsatsi le la rona? Matshwititshwiti a dira ditshupo go fitlhela re nna le losika la ba batlang ditshupo ba ba itseng go le gonnye kgotsa sepe ka Lefoko, kgotsa motsamao wa boammaruri wa Moya wa Modimo. Ge ba bona madi, lookwane le mollo ba itumela; go sa re sepe gore go na le eng mo Lefokong. Ba tlaa femela sesupo sengwe le sengwe, le ga e le tse di seng mo lokwalong. Mme Modimo o re kgalemetse ka seo. O rile mo go Matheu 24 gore mo malatsing a bofelo meya e mebedi e tla batla e tshwana gammogo gore ge e se fela batlhaolwi ba ka e farologanyang, gonne ke bona ba le nosi ba ba ka sekang ba tsiediwa.

O ka kgona jang go farologanya meya? Ba neele fela teko ya Lefoko. Ge ba se ba bue Lefoko leo, ke ba yo o bosula. Jaaka yo o bosula a tsieditse banyalwa ba bedi ba ntlha, o tlaa leka go tsietsa monyalwa wa letsatsi lena la bofelo, ka go leka go mo tswakanyetsa dipeo ka bogaagwe ka ditumelo, kgotsa fela sentle ba tlhanogela Lefoko go sesupo sengwe le sengwe seo se mo tshwanelang. Mme Modimo ga o ise ko beye ditshupo kwa pele ga Lefoko. Ditshupo di sala Lefoko morago, jaaka Elia a boletse mosadi go mmesetsa sepapetla sa senkgwe pele, kafa Lefokong la Morena. Ge a dirile jaaka Lefoko le builwe, sesupo se siameng se tliile. Tlaya kwa Lefokong pele mme ke gona lebella kgakgamatso. Lefoko peo le nonotshwa ke Moya.



Go ka nna jang gore morongwa mongwe yo o romilweng go tswa go Modimo go dumela karolo fela ya Lefoko mme a latole sengwe sa lona? Moporofeti wa boammaruri wa Modimo mo letsatsing la bofelo o tlaa itsise la Lefoko lotlhe. Diphuthago tsa batho di tlaa mo tlhoya. Mafoko a gagwe a ka nna bogale jaaka Johane Mokolobetsi yo o ba biditseng dinoga. Mme ba ba laotsweng gale ba tlaa utlwa mme ba ipaakanyetsa go tsubilwa. Peo ya Segosi ya Abrahamama, ka tumelo e e jaaka ya Abrahamama ba tlaa itshwarella ka Lefoko, gonne ba laotsweng gale mmogo.

Morongwa wa letsatsi la bofelo o tlaa bonala ka nako e e beilweng ke Modimo. Ke nako ya bofelo jaanong jaaka botlhe ba itse, gonne Israele o mo nagalegaeng. Nako nngwe le nngwe jaanong o tlaa tla ka taolo ya Malaki. Ge re mmona, o tlaa be a inneetse mo Lefokong. O tlaa kaiwa (a supilwe mo Lefokong, Tshenolo 10:7) mme Modimo o tlaa tlhomamisa bodiredi ba gagwe. O tlaa rera boammaruri jaaka Elijah a dirile mme a ipaakanyetsa pontshoboikaelelo mo Thabeng ya Sione.

Bontsi ga bo na bo mo tlhaloganya ka gonne ba rutilwe Lekwalo ka tsela nngwe eo ba akanyang e le boammaruri. Ge a tla go emelana le seo, ga ba na go dumela. Fela jaaka bangwe ba bodiredi ba boammaruri ga ba na go tlhaloganya morongwa gonne tse dintsi di setse di biditswe boammaruri ba Modimo ke batsietsi.

Mme moporofeti yo o tlaa tla, mme jaaka moeteledipele wa go tlaa pele a goile, "Bonang Kwana ya Modimo eo e tlosang boleo ba lefatshe," fela ka jalo o tlaa goa go sena pelaelo, "Bonang Kwana ya Modimo e tlang ka kgalalelo." O tlaa dira se, fela jaaka Johane e ne e le morongwa wa boammaruri go batlhaolwi, ka jalo ke yo le ene ke morongwa wa bofelo go batlhaolwi le motsalwa-Lefoko monyalwa.

*(Go tswa Mo Ponatshagong Ya Metlha Ya Diphuthago Tse Di Supang)*

Voice Of God Recordings, *South Africa Office*

P.O. Box 178, Somerset West, 7129 Cape Province, Republic Of South Africa



## Kitsisô ka tetlokhopi

Ditshiamelo tsotlhe di sireleditswe. Buka e e ka gatsiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwe go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwa go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)